



---

## Treći seminar za izradu prototipa statuta univerziteta

### Zajednički projekat Evropske komisije i Vijeća Evrope «Modernizacija rukovodnih i upravljačkih sposobnosti univerziteta u BiH»

Hotel Saraj, Sarajevo, 4.-5. mart 2005. godine

## Izvještaj

### Uvod

Prvi seminar u oktobru 2004. godine je bio posvećen opštem uvodu u uslove pravnog okvira za statute univerziteta i u institucionalne odgovornosti univerziteta u Bolonjskom procesu, uključujući izvještaj o trenutno postojećim statutima na javnim univerzitetima u BiH i nacrtu sadržaja za statut integrisanog univerziteta.

Sadržaj za prototip statuta je definisan na drugom seminaru u decembru 2004. godine (prilog 3). Poglavlja su podijeljena na tri dijela radi detaljnijeg elaboriranja i pripreme za treći seminar od strane tri radne grupe.

Treći seminar je posvećen zajedničkoj izradi standardizovanih članova za poglavlja V do XIII. Seminar je vodio dijelimično novi tim: profesoru dr. Pavel Zgagi, ekspertu u visokom obrazovanju sa univerziteta Ljubljana i Nedimu Vrabac, saradniku na projektu Vijeća Evrope su se pridružili prof. dr. Dionyssi Kladis sa univerziteta Peloponese, koji je preuzeo zadatak od prof. dr. Dennis Farringtona. (Dennis Farrington nije više na raspolaganju za dolzak na seminare, ali ostaje na raspolaganju za konsultacije o pitanjima vezanim za statut). Karen Roberts je preuzela koordinaciju zajedničkog projekta Evropske komisije i Vijeća Evrope od Dashe Kunzmann.

### Pripremanje standardizovanih članova poglavlja V do XIII

Članovi poglavlja V do XIII, kako su izrađeni na radionici, se nalaze u prilogu 2.

Osnovna diskusija se vodila o

- Trenutnoj i mogućoj budućoj legislativi o visokom obrazovanju, kao preduslov za uspostavu integrisanih i neintegriranih univerziteta u BiH. Međutim, aktivnost izrade prototipa statuta je ocijenjena kao korisna od strane učesnika, prvo zbog samog pripremanja procesa koji se očekuje u bliskoj budućnosti i drugo da se prođe kroz posljedice procesa integracije.
- Procesu, metodi i kriterijima za uvođenje Evropskog sistema prenosa bodova (ECTS) i efekata koji je, će, može ili bi trebao imati na univerzitetske statute (naročito vezano za poglavlje X, *organizacija studija* i XI, *studenti i pravila studiranja*).
- Koja pitanja bi se trebala navesti u statutima i koja pitanja bi se trebala definisati u posebnim aktima (tj. Školarine, itd.).

## Nastavak i pripreme za četvrtu radionicu u maju 2005. godine

Kao nastavak postignutog rada dogovoreno je da

- Nacrt poglavlja V do XIII (prilog 2) se treba **poslati univerzitetima učesnika radi diskusije i komentara**. Dalji komentari, ispravke i amandmani će se podijeliti sa svim učesnicima na sljedećoj radionici u maju 2005. godine.
- Priprema poglavlja XIV do XXII  
i dalja elaboracija članova VII 7.  
XI 5.-8., 12., 14., 15.  
XII 1.-2.  
XIII, 1.-3

bi se trebala uraditi na **sastancima svake radne grupe prije radionice u maju 2005. godine**. Ovi sastanci bi se trebali održati **do 15. aprila**, organizovani od strane samih radnih grupa i podržana od strane Vijeća Evrope putem refundiranja putnih i (ako bude potrebno) troškova smještaja. Radne grupe će obezbijediti informaciju o mjestu, vremenu i imenima učesnika za sastanke Vijeću Evrope ([nedim.vrabac@coe.int](mailto:nedim.vrabac@coe.int)) najkasnije do 8 marta. Radne grupe će poslati rezultate sa svojih sastanaka Vijeću Evrope dvije sedmice prije sljedeće radionice (ostavljajući dovoljno vremena za prevod i distribuciju istih).

- **Prof. Zgaga i Prof. Kladis** će **preprijeti nacrt poglavlja X organizacija studija, XIV osiguranje kvaliteta i XX priznavanje studija**, diploma i stepena, pošto su ova poglavlja snažno **povezana sa temom ECTS-a i osiguranja kvaliteta**. Nacrt bi trebao da prati Okvir za kvalifikacije u Evropskom prostoru visokog obrazovanja i biće preveden i distribuiran putem ureda Vijeća Evrope.
- Na osnovu velikog interesa na plenarnom sastanku radionice za praktična pitanja u vezi sa **ECTS i osiguranjem kvaliteta**, prof. Zgaga i prof. Kladis će ponuditi informativni večernji sastanak o ovim pitanjima večer uoči sljedeće radionice. Radionica će se održati 6. i 7. maja 2005. godine u Mostaru, informativni sastanak je na rasporedu za večer 5. maja 2005. godine.

### Prilog

1. dnevni red radionice
2. nacrt članova poglavlja V do XIII
3. sadržaj prototipa statuta
4. lista učesnika

CoE/KRo, 10. mart 2005. godine